

小方壺齋輿地叢鈔

奉使朝鮮日記

滿洲崇 禮著

光緒十六年四月十七日朝鮮國王李熙母妃趙氏薨國王遵故事遣使奉表訃告其表文曰朝鮮國王臣李熙冒臣母妃趙氏於光緒十六年四月十七日薨逝謹奉○表告訃者臣李熙誠惶誠恐稽首稽首伏以小邦無祿肆切哀惶之忱內艱是丁恭仰訃告之禮臣無任望○天仰○望激切屏營之至謹奉○表告訃以○○聞

禮部謹○奏為奏○○聞事據朝鮮國王李熙為王太妃趙氏病故特差正使禮曹參判洪鍾永等齎○表奏來京告訃於八月十三日到京當即令其在會同四譯館安寓所有供給等項行文光祿寺備辦其恭進○表奏照例送交內閣繕譯具題至○○諭祭該國王太妃一切事宜臣部另行分別具奏照例辦理為此謹具奏○○聞於光緒十六年八月奏本日奉○旨旨知道了欽此相應鈔錄原奏移會內閣典籍廳知照內務府朝鮮國王移付祠祭司查照辦理可也

朝鮮國王告訃正使洪鍾永等為懇○○恩事竊以小邦祇守藩服世沐○○皇恩壬午甲申之交綱常得以扶植土宇賴以廓清九屬○○恩深再造自經喪亂萍蓬饑饉民物流離六七年來艱難日甚近又不幸康穆王妃薨逝舉朝哀戚無計擬擇主上念于妃遺命關八域困窮同例喪祭之需出自閭閻者不得不一概蠲免以舒民力故凡喪祭俱從儉約惟念○○大皇帝欽差頒勅自昔與數能無慈戴特恐星使實臨禮節設有不到負罪滋甚與其抱疚於將來孰若陳情於先事況蒙○○天恩高厚矜恤彌周有優必達有願必償久如赤子之仰慈父母矣為特敬求部堂俯鑒實情擊奏○○天陛倘有○○溫諭頒發俾職敬謹齋回免煩星使之處出自逾格○○恩施不勝急切兢懼之至為此謹呈

禮部謹○奏為據陳代奏事准朝鮮國告訃使臣洪鍾永等具呈到部臣等公同閱看係因該國自經喪

亂國用難維此次該國王太妃薨逝喪祭一切俱從儉約懇○恩矜恤請免○遣使賜奠等情乞為
據呈轉奏請鈔錄原呈恭呈○御覽伏候○命下臣部遵奉施行為此謹○奏請○旨於光緒十
六年八月二十四日具奏二十五日准軍機大臣字寄奉○上諭禮部奏朝鮮告訃使臣具呈懇請免
遣使賜奠一摺據該國王太妃薨逝因連年喪亂饑饉國用艱難喪祭之需俱從儉約懇欽使賞臨禮節
設有不到負罪滋甚想將頒勅由該使敬謹齎回等語所陳困苦情形自無虛飾惟該國王世守東藩備
叨恩禮弔祭專使載在典常循行勿替此天朝撫恤屬藩之異數禮制攸關豈容輕改特念該國近奉國
用異常窘乏亦屬實情不得不於率循舊章之中曲加矜恤向來遣使該國皆由東邊陸路行走計入境
後尚有十餘站沿途供億實繁此次派往大員着改由天津乘坐北洋輪船前往徑至該國仁川登岸禮
成仍由此路回京如此暫為變通則道途甚近支應無多所有該國向來陸路供張煩費悉行節省至欽
使到國以後應行一切禮儀凡無關冗費者均應恪遵舊章不得稍事簡畧此朕德禮綏藩有加無已之
意該國王奉此綸音當倍深欽感也將此諭知禮部北洋大臣並由禮部傳諭該國王知之欽此遵○
旨寄信前來等因到部相應恭錄○諭旨鈔錄本部原奏並該使臣原呈知照朝鮮國王及北洋大臣
欽遵暨移付祠祭司四譯館查照可也

禮部請○奏為奏請○欽派事查例載○諭祭朝鮮國王母妃由禮部奏請○欽派正副使各一
員正使開列內大臣散秩大臣頭等侍衛副使開列內閣滿洲學士翰林院滿洲掌院學士禮部滿洲侍
郎等語又查道光二十三年朝鮮國王妃病死經臣部奏請○欽派正副使各一員前往致祭奉○
旨交軍機大臣開列六部滿洲侍郎八旗副都統欽此欽遵在案今朝鮮國王母妃趙氏病故應奏派正
副使往祭除各衙門宗室大臣例不開列外臣等遵照例案咨取各衙門銜名分繕清單伏候○欽派

正副使各一員爲此謹○奏請○旨謹將侍衛處及各部送到衙名繕單伏候○欽派正使一員副使一員奉○硃筆圈出戶部左侍郎額昌戶部右侍郎崇禮欽此

禮部謹○奏爲奏請○賜卹事據朝鮮國王李熙陳奏爲該國王母妃趙氏病故待差正使禮曹參判洪鍾永等來京告訃臣部於八月十六日奏○聞本日奉○旨知道了欽此臣等查定例朝鮮國王母妃卒○遣使讀文○諭祭一次給與香帛等項及祭品折價銀兩由戶部咨取應用銀壹銀兩由工部豫備祭文交翰林院撰擬今朝鮮國王母妃趙氏病故應請○賜祭一次所有致祭品物臣等謹照例開具清單恭呈○御覽伏候○命下臣部行文各該衙門遵照辦理爲此謹○奏請○旨謹將致祭朝鮮國王母妃品物開列於後 檀香一炷 帛一匹 白綾六匹 白紡絲六匹 藍紡絲一匹 以上五項由戶部咨取 銀壹一把 以上五項共折價銀二 每雙重四兩以上 二項由工部咨取 牛犢一隻 羊二隻

豬二口 桌席二十張 酒二罈 以上五項共折價銀二 百兩亦由戶部咨取

禮部即具咨知會朝鮮國王遵照並飛咨北洋大臣直隸總督預備輪船轉行各海口一體接護其飛咨內開祠祭司案呈所有朝鮮國王母妃趙氏病故本部據呈代奏欽奉○寄諭此次派往大員著改由天津乘坐北洋輪船前往徑至該國仁川登岸禮成後仍由此路回京等因欽此今准戶部片稱本部滿左侍郎額右侍郎崇奉○旨派往朝鮮致祭現於本月十七日已刻起程由通州乘輪至天津換輪前進等因茲本部派出六品通官豫和七品通官恆需同日起程所有正副使及通官跟役車輛驛馬散袋腰刀各按名數移咨兵部照例給發其沿途需用夫馬船隻等項應給與勘合車票至齎奉○諭祭文應用背夫一名騎馬一匹又○諭賜香絹銀兩等物應用馱馬及牌仗旗轎等項應用騎馬夫役一併照例撥給自京城起照例撥兵護送除分咨外相應飛咨北洋大臣直隸總督查照預備輪船轉行各海

口一體接護可也須至否者

北洋大臣李傅相接准咨文即通飭各處接護並調北洋海軍兵船濟遠來遠經遠以備乘用九月十七日由京起節十九日至天津二十一日即派濟遠兵船副將方伯謙先齎送牌文一道傳諭由仁川至漢城各驛站地方官照例預備夫馬伺候附開齊奉○諭祭文一道又○御賜香緝銀兩等物及牌仗旗纛等項並隨帶通官跟役名數交由仁川府使傳遞又與燕甫致朝鮮國王咨文一角一并交遞咨文內開照得本大臣等奉○旨欽派賜奠正副使改由天津乘坐北洋兵輪前往徑至仁川登岸除已牌行沿途府州縣及口岸地方查照向例備撥夫馬伺候外本大臣等謹行請○訓時面奉○諭旨汝等到該國後應行一切禮儀均應恪遵舊章不得稍有簡略至該國王如饋送汝等禮物暨通官等銀兩物件均不准收受以示體恤屬藩至意等因欽此相應咨會貴國王查遵欽遵○恩旨辦理施行須至咨者是時計使洪鍾永已將改由水路派使之○上諭節要電告該國隨於九月十六日派內務府督辦兼漢城府判尹職從一品 銜軍機大臣沈履澤充迎接使大護軍前禮曹判書職正二品 銜散秩大李承五充館伴使協辦內務府事戶曹判書職正二品 銜軍機處閔泳南充迎接使都監提調官承旨兼監理仁川通商事務仁川府使職正三品 銜開學錄成岐運充迎慰使朔甯郡守職正四品 銜李吏鍾充問禮官及迎接差備官十一員各項差使員十三司館內雜職事官十九司大通事八員各項差備官二十三司請來官掌務官各一員以上大小職官共差一百餘員京畿道監司職正二品 銜李憲植分派所屬各府郡縣分站伺應迎接管理臺舍茶饌夫馬兵校各事仁川府使成岐運率通津等十一邑守令在濟物浦宿站伺迎以仁川監理衙門修作行臺富平府使崔錫斗率高陽等十一邑令在梧里洞尖站伺迎即民舍修作行臺驪川牧使職正三品 銜率南陽等十一邑守令在麻浦宿站伺迎以公舍洗心亭修作行

臺凡行署門前設籬紅旗杆懸轅門黃旗二晨夕號轍鼓吹降輿入庭等處均以彩席鋪地堂院簪以黃
棚奉置龍亭香亭○賜物等件中庭設龍牌香案黃幔奉置祭文余與燕甫分駐兩處廳舍修備各以
豹皮蒙座彩席衣地衾枕帳榻椅座器皿咸具下至通官從役等室亦其整潔各室均派有扶持人役備
極周至由濟物浦八十里至漢城朝鮮都城南別宮使節行館凡所經過道路橋梁咸預修整平坦寬可並行五馬
道中墊以黃土各府郡縣皆集綏各邑兵校更役儀仗旗幟仁川府並調集練軍洋鎗隊百餘名祇迎護
從與國王出巡儀制差同越十日遠接使沈履澤率其屬奏備等官京畿監司率其所屬各守令及迎慰
使問禮官等先後赴濟物浦候迎館伴使季承五因病辦差改派刑曹判書職正二品 仍刑部尚書南廷哲代充先
是葬太如時王因病致送喪禮缺四月初八日禮曹具啓請示以迎勅有親臨郊迎例亦有只百官郊迎
例今次何以爲之並在哪處備迎王答傳曰依各年例爲之處所崇禮門外禮部文字其時病猶未愈故
議者以此次郊迎與否尙難准定迨二十二日王病小瘳遂擬親行郊迎以崇禮門外道狹不便改定在
敦義門外即漢西門外京畿道監司衙門前通衢中作爲祇迎處所九月初五日接北洋大臣李少荃伯相電
據駐津朝員金商德呈稱奉其國命以仁川登岸雖距漢城八十里沿途只一小站彫殘不足備供張請
改由壬午大兵登路之馬山浦口登岸距漢一百里沿途有府縣易於供應矣宿等語乞酌核示覆或於
請○訓時面○奏通辦理云云

初六日與燕甫電覆李相以仁川登岸已奉○明諭未便率行○奏改李相又電覆已電飭其道查覆
茲道世凱北洋派駐朝鮮總理通商交涉事宜者也

初七日李傅相電稱查仁川至漢城九十里路坦近有官舍馬山至漢城百六十里路險遠云云與燕甫
將連日來往電信請樞廷代○奏

初八日軍機大臣面奉○諭旨仁川登岸原係體恤該國節首陸路供張煩費尖宿之處仍遵前旨辦理毋庸改道馬山欽此又准禮部知照派六品通官豫和七品通官恆需隨往又准禮部照舊恭錄歷奉○諭旨九道外禮節則例並稱此次欽奉○諭旨於率循舊章之中曲加矜恤所有此次該國饋送應如何辦理之處由使臣自行酌核云云與燕甫會商片行禮部定本月十七日已刻起程由通州乘船至天津換輪前進一切應行應辦事宜已否齊備片覆以便定期請○訓禮部片覆查致祭朝鮮應用祭文祭品及折價銀兩經本部開單○奏交翰林院戶工二部撰擬給發並將起程日期知照兵部給與勅合夫馬暨飛咨北洋預備輪船轉飭經過各海口一體接護云云

初十日接北洋電十五日遣小輪船來迎係燕甫所借為拖帶坐船也

十一日具聯銜安摺請○訓蒙○召見將禮部文內饋送一節面奏奉○諭旨爾等到該國應行一切禮儀均應恪遵舊章不得稍有簡略至該國王如饋送爾等禮物暨通官等銀兩物件均不准收受等因跪請○聖安退出將此次面奉○諭旨電致北洋轉電袁道

十二日北洋轉據袁道電稱朝鮮在距漢十里江邊之洗心亭修備節館並趕修由仁川至漢城橋道又接北洋轉據袁道電稱該國早將供張財物籌備解漢近惟盛備供給與臨時稍免禮節並倭使等探何日節到意將迎謁

十三日電致北洋轉電袁道云告知該王凡賜典禮萬不稍事寬假擅行從權供張細節亦無不仰體○

聖意格外將就切不可稍存揣摩並告知駐朝鮮洋人此次限期迫促彼此均免周旋

十四日奉○旨此次積昌等乘坐輪船前往朝鮮著李鴻章嚴飭管帶官約束兵丁不准登岸免滋事端欽此

十五日北洋差千總馬振芳劉長發來迎

十六日與燕甫同赴禮部恭閱○御祭文並點驗香綃銀兩等物眼同加封

十七日已正與燕甫同赴禮部大堂向○御祭文行三跪九叩禮畢恭捧交兵部差官背負儀仗前導乘馬出朝陽門至大橋換輿申正至通州通水道楊宗濂州牧何其翔迎於河干設茶座零談始知先行牌於十三日過通州竟由陸路遞赴山海關矣遂登舟自備船五艘余與燕甫大船二幕友船二通官船一燕甫幕府張蔭畏茂才汝勳余則約周滌峰水部頌多雨三太守齡龍戈什哈各一人隨從各五人幕友從人各一人

十八日辰初開行用津航慈航二小火輪拖帶開往天津距馬頭八里火輪因水淺耽延一時許午正至馬頭行九十里未初行酉正停泊距河西務水程已三十里矣

十九日辰初開行已初過河西務營汛各員弁跪迎於岸午正至蔡村大風停泊一時許申刻過楊村營汛各員迎如前戊刻泊浦口接天津縣孫令稟稱明日齋相率各文武在吳楚公所跪請○聖安

二十日辰刻開行已刻抵天津各營整隊夾岸跪迎泊舟新浮橋乘轎至吳楚公所李相率文武跪請○聖安回船後接見文武各員稍閒李相邀飲與燕甫同拜李相商帶兵輪前往及一切事宜轉電奉天將軍將陸路遞去先行牌截留電知廖仲山司馬隨派齊遠兵輪齎送牌文傳諭仁川府使傳遞各驛站照例預備夫馬附開祭文祭品牌仗旗幟隨帶通官跟役名數又恭錄面奉○諭旨咨會朝鮮國王欽遵又劄委袁道稽責從人二鼓回船嗣接朝鮮國王咨覆云朝鮮國王為咨覆事光緒十六年九月二十四日接准貴大臣咨開照得本大臣等奉○旨欽派賜奠正副使改由天津乘坐兵輪前往逕至仁川登岸除已牌行沿途府州縣及口岸地方官查照向例備撥夫馬伺應外本大臣等謹行請○訓時面

奉○諭旨汝等到該國後應行一切禮儀均應恪遵舊章不得稍有簡略至該國如饋送汝等禮物暨通官等銀兩物件均不准收受以示體恤屬藩至意欽此相應咨會貴國王查照欽遵○恩旨辦理施行等因准此查敝邦僻在海陬久沐○○聖化覆載高厚山海崇深此次○○特派欽使○○賜祭致贈改由水路以省沿途供億洵屬格外○○異數敝邦臣民感戴無涯至饋送禮物及通官等銀兩物件在敝邦優禮○○天使之地固是不可已之例而酒漿○○皇恩隆肇有加無已免其收受以示體恤惟有欽遵辦理庸答○○龍眷不知海外偏藩何以得此於○○聖朝謹擬前頭使行恭申謝悃

二十一日季相答拜談半時許接見提鎮司道各總辦飭船泊紫竹林津海關劉道汝翼邀飲時北洋已調鐵甲兵船經遠來遠聽用遂與燕甫定二十二日開行

二十二日巳刻水師營丁軍門汝昌邀飲飲後巳未刻與燕甫偕幕友通官從人乘快馬輪船由紫竹林開行過北塘等處各營汛跪迎至大沽口礮臺升礮迎遂乘潮出口燕甫奉○○諭祭文登經遠輪船子奉○○賜祭品物登來遠輪船西正開往朝鮮

二十三日辰初至廟島午刻至煙臺未正至威海衛西正至成山頭下

暹羅政要

海鹽鄭昌棧著

暹羅如侯國規制當一千八百六十九年前日本國勢可與鬻鬻歲款出世業地戶主議政行權有兩主
令則父子同主政名號以第一第二相稱今第一名昭法聚拉浪剛一千八百二十三年生第二即其世
子名克羅瑪們排槐拉會拷一千八百四十二年生均六十八年即位第二亦置部員兵衛其體制與第
一相埒第三見第一不行式羅禮歐洲恭敬之禮伸右手去帽
自頭轉從右下謂之式羅亦不行拜跪禮以兩手合拱向上過頂後
爲恭敬第一需用庫銀必第一允准乃得領度支出納無清單可據領事官在彼第卽所聞知者合計之
歲約錢糧二百十四萬五千磅內丁口捐免絲捐合二百五十萬磅地捐二十八萬七千磅藥捐六萬
五千磅椒捐五萬磅酒捐五萬七千磅賭規五萬七千磅關稅三萬三千磅收捐者無辛工費卽與捐內
扣十分之一以爲薪水營制無常川屯駐者民間壯丁年二十一已上歲給雜絲四閱月惟傳教之人若
暹羅和尚教及中國人出捐免備本地官府與夫爲奴僕者均免之若家有子子征役則其父免絲有捐
免者有以奴僕踐更者有謂武庫儲八萬桿洋槍并多大礮其礮船以小船充之行篷划櫓如中國兵船
其行船之人皆中國人與他國人爲之暹羅疆界不一定附屬土司不盡爲暹羅所有以度綫計之自北
緯綫四度至一十度東經綫九十六度至一百二度得二十五萬方英里人丁冊登男不登婦女幼孩約
二百萬人有奇此外中國民一百五十萬人雷斛斯一百萬人湄來一百萬人坑薄特三十五萬人拔古
五萬人若合婦女等倍計之當得十一兆八十萬人地分四十一屬每屬置一大僚界限南北一千四百
年前北路戶口繁多迨都城南遷曼谷民稍稍南徙南路編戶亦盛沿海地方皆爲英有按暹羅之名國
人不知彼自號其國曰哀或謂暹羅黃色也乃湄來舊號一千八百六十七年前商人販米至中華居多
漸漸販往歐洲六十八年米裝六十九船販往美利堅舊金山澳大利亞洲及馬利休印度洋島名
非洲加洲東阿中

華人寄籍在彼不少用爲糧食商販亦中華人士產梯勾木一名六十八年運售中國其刊木者皆緬甸人而木棧輪困離奇較緬甸所出尤大而堅緻通商海口曼谷爲大七十年出口貨值一百十四萬三千九百二十一磅進口貨值八十一萬五千六百九磅運貨英船居多是年進口英船一百六十二號裝七萬三千一百三十四噸出口英船一百七十三號裝八萬一百五十五噸出口米與蔗糖爲多英貨機器生熟鐵通用銀錢曰體格又名拔按值英銀二喜林六本土又用西班牙銀錢即中國所用之本洋銀

亞刺伯沿革考

番禹李光廷著

亞刺伯亦稱天方回人自神其號也今屬波斯隋煬帝大業末有摩哈麥者倡回教於麥得享有衆量附
送并諸國唐書大食傳云大食有孤列種世本白衣其奚深後有摩河末勇而智衆立爲主闢地三千里
克夏蠟城卽其人也唐書分兩說一爲波斯胡人之後高宗永徽四年入貢稱有國三十四年都初
元宗開元二年入貢不屬摩河末事也傳十四世至末換爲國人所殺求奚深後得阿蒲羅拔立之號黑衣
大食羅拔卒弟阿蒲羅拔嗣肅宗正德中來貢代宗爲元帥用其兵以收兩京肅宗寶應代宗大曆中屢
貢恭拂死子迷地嗣迷地死子卒廬嗣卒死弟訶論嗣貞元十四年封其使含鑾等三人爲中郎將各
放還審其時大食已併阿富汗地北服康石諸國與吐蕃爲勦敵故慈嶺以東皆畏吐蕃慈嶺以西皆臣
大食後唐莊宗同光二年遼太祖初通西域而九月大食已入貢宋眞宗天禧四年遼聖宗復
與和親則其國直至布哈爾霍罕地非止今之亞刺伯也宋自太祖開寶至神宗熙寧貢獻頻仍多由海
道祥符東封執方物者皆稱舶主若蒲押拖黎所稱管民纔及數千則并非其地蓋由南洋諸賈假其名
號所云正使副使不足逃矣元憲宗七年師至嘗得其地剽掠西使記云丁巳取報達國報達而西馬行
二十日至天房內有天使神人之祖葬所也卽下段罕羅元史郭侃傳云師行三千里至天房
德神人之墓其將住石致書請降嚴備以待住石果來邀我帥與戰大敗之巴兒寧離降下其城一百八十五是其
事也而畢元之世未嘗朝貢明鄭和通西域使人附古里舟至其國貢使始至其見於史者有王子賽亦
得阿力英宗正統六年王速檀阿黑麻李宗宏王寫亦把赤武宗正德王亦都麻兒等世宗嘉祐四年而嘉靖五年稱王
者三十七人自後屢貢至於萬曆則亦沿宋之故智而其國則至今尙存也考摩哈麥生於麥加死葬麥
德拿此皆南境近椰海之地唐書地理志云從沒來國至烏刺國皆沿海岸東行其西岸之西雷大食國
其西最南謂之三國國自三國國正北行二十日經小國二十日至設國又十日行經小國六十五

蘇伊里和竭國當海西岸又西六七日行經小國六七至沒異國又西北十日經小國十餘至接摩國
 蘇國又一日行至烏刺國則土耳其之巴索拉也此皆北境近波斯之地蓋唐時泛海至此明則由紅海
 入麥加其路西洋胡貢無錄天方傳所稱默伽國禮拜之堂金閣玉鋪香梁露浣十二月十日他國來焚
 香不遠萬里又云默伽國西行百里曰慕底納城即麥德拿城之東曰談罕慕德神人之墓頂有五色光
 案後有泉泛海者汲而藏之遇颶而灑波濤頓息明史亦可謂怪神異之至而西人萬國志則云摩哈
 麥生於陳宣帝大建四年本不識字娶富家之寡兒人拜偶像不悅新造教門著畢書號曰可蘭奉獨一
 真主上帝為聖人逃於麥德拿被惡既眾於唐高祖武德四年立國建元以兵力兼併諸國不從則勦之
 其言默伽云四角一里之殿有黑石來者拜石洗身因有大會生意尚豐其言麥德拿云城小屋不及五
 百與黃錄相反蓋彼固耶穌之言然亦云他國拜墓者不止數萬是黃錄固考西志亦未允也國分六部
 首日黑德倭斯都城即麥加也貿易所聚曰也門曰亞達拉毛曰阿曼曰刺沙曰內德惹按明史分天方
 默德那為一傳不知天方傳之馬哈麻即默德那傳之誤罕嘉德與唐書之摩訶末止是一人其云誤罕
 嘉德生而神異西域諸國尊為別諸拔爾又云其國有書三千本凡三千六百餘段此則可蘭經也至謂
 其國為樂土其人本好善此殆不然今其種分居布滿中土明史謂隋開皇中此不足據其教入中國迄元代
 徧於四方則從來遠矣乾隆二十四年有大小和卓木之亂道光七年有張格爾之亂猶是邊地而乾隆
 四十三年甘肅有蘇四十三之亂稍平而田五又興直以食土踐毛甘為戎首非我族類其心必異有國
 者當籌駕馭之方矣

俾路芝沿革考

番禺李光廷著

俾路芝古不通中國唐時屬西印度元瑛東來其國始見辯機西域記云自信度國在信度國西西南行千五

六百里至阿點婆翅羅國在信度國西在大海從此西行減二千里至狼揭羅國在大海濱入西

女國之路也自此西北至波刺斯國是信度而西波斯而東即其境也唐書西域傳云有狼揭羅者地大

數千里河自北渤崑山來至提颺國北入於海地理志又云自提颺國西行二十日經小國二十餘至提

盧和國又西行一日至烏刺國乃大食之弗拉斯河即底格里士河南入於海小舟溯流溯河二日至

末羅國大食重鎮也唐時海道由廣州南海二百里至市門山帆風西行七日至占不勞山在環王國今

南東二百里海中又南七日至軍突山又五日出海硤以上為南洋以後入小西洋今蘇門答臘北

里北岸則羅越國蘇門答臘南境南岸則佛逝國加拉巴北境地理志云國東水行四五日又西出峽入小

北十九日至婆國伽藍洲北四日至師子國今緬甸西四日經沒來國南大竺之最南境從此西北經婆

門西境經拔颺國至提颺國即今印度之信地過新順河口即印度河口從此西行經俾路芝南岸入

波斯海即阿富為波斯大食分界地志云從沒來國至烏刺國皆綠海岸東行其西岸之西皆大食國分

界最晰烏刺國即今土耳其之巴索拉其水則阿附臘底斯河合於底格里士河東南入波斯海而第云

經小國二十餘亦不能舉其名矣惟元憲宗命旭烈兀征哈里發國即波斯師還常至其地劉郁西使記云

其失羅子西南海也元史郭侃傳云西收富浪帥遣選報西南至石羅子即俾路芝又作換斯

干阿答畢算離降已未九年破兀林游兵阿必丁算離大懼來降得城百二十四至賓鐵侃以奇兵掩擊

敗之加葉算離降西南至乞里樹即忽都馬丁算離降西域平蕃還師至阿富汗西南至此西域始盡

平也明鄭和由海道通西域直至天方黃省曾西洋朝貢典錄所載祖法兒在古里西北二千里忽魯

小方豈庸與也叢沙再十味俾路芝沿革考一

斯在古里西北五千里其地國亦回國無君長分六部曰薩拉姆曰加支干達瓦曰盧斯曰美加蘭曰
古義斯丹曰倭拉姆

英政概

寶應劉啟彤著

君稱王不稱帝以與民共主也其國人稱之曰鏗略似可汗之合音其妃曰魁音與坤略相似君統世及傳子傳孫皆立長無長立幼以次及無子孫則傳弟無弟則立近支古無傳女者自威廉第三定傳女之制凡君無子孫則傳女女可以傳其子孫今之維克多里亞以姪女繼統又法之變者君未及十八歲而立太妃聽政或其近支之長者攝政或擇大臣之賢者輔政君有疾亦如之君老而疾則太子權朝君祿歲有常制即位之初議院定之今君之祿歲金錢六萬宮中之用歲三十有八萬有五千精嫁之用則至其時議之君有地皆則視如民產今則立爲公產以別之

君所治之事有二一曰議院之事二曰大臣之事大臣之事皆循成法無可否其有可否者議院主之議院之制君必日臨無故不建議司監察而已其後廢日臨之制惟啟院止院之日則臨議院有新政君食之將告於眾則臨有戰事布告於眾則臨其有勅勅者則使列爵之爵者代之

議建於下君無大權惟議院之啟閉君得而命之議院之爵紳君得而黜之所議之典章君得而俞曉之啟閉有時不可得而踰也爵紳有黨一曰公黨二曰保黨七年一易送主朝政宰相而下皆從其黨以定非其時而易則視其黨之盛衰公黨盛保黨衰保黨雖主政不得行其志則必退保黨盛亦如之君若惡公黨易以保黨公黨不相容則不崇朝而散易如不易也典章從乎風氣之所欲有俞無曉也每歲仲春乃啟院君或至或不至皆有詔使上公告於眾曰若者爲用兵之事若者爲藩服之事若者爲交鄰之事若者爲宮廷之事其集衆議唯善之是從君有私用將徵財君察其大臣之罪將按治民人之有祈請者將許之敵國有戰將主戰戰而復和將立約皆下諸議院議之而後行百官爵祿授自君陸軍水師統於君列邦之使臣藩屬之疆臣皆命之於君而舉之自下也罪人當治君治之赦則君赦之而獄之自下也

刑賞不專政不獨斷權輿事尚有若守府而已

先是八百年英之世爵或以戰功分封或以大臣積封聚而議政謂之議院君親主之其後分而爲二凡世爵之大者當者輔君治事謂之上議院其小者貴者則爲下議院南宋度宗元年始令京外城邑公舉賢能入下議院議事而上議院之權自是漸替上議院之人無常額多寡之數因時增損今則五百十有六人王六人夫教師二人公三十一人侯十九人伯一百一十七人子二十六人教師二十四人男二百五十七人蘇格蘭世爵十六人每七年隨其院之爵首以易阿爾蘭世爵二十八人任之終其身世爵古有專職今止存其名君封爵無定數多寡唯命爵皆世襲子孫皆立長唯女不襲君若封女爵使女襲爵皆唯命惟不能入議院上議院之獄獄者皆以律師之賢者封爵充之爵止封其身不世襲政府大臣必有世爵數人故上議院中皆有政府之人宰相得舉百官之有才能者使入上議院下議院之人皆民舉舉之數視地之大小人民之衆寡以定其人昔衆而今寡商賈日稀則廢其舉人之例或減其數其人皆寡而今取商賈日衆則增其舉人之數或自無而有舉而有不公則廢其地使不得舉今所舉者凡六百五十二人英格蘭與維而司分五十二部舉一百八十七人大邑一百九十有七舉二百九十五人有國學之邑三舉五人蘇格蘭分三十二部舉三十二人大邑二十二舉二十六人有國學之邑四舉二人阿爾蘭分三十二部舉六十四人大邑三十有三舉三十九人有國學之邑一舉二人

上議院世爵多世襲有生以後無賢愚皆得入故其人多守舊無改不建議亦不知所議下議院所議事上諸上議院允者十之八否者十之二焉其事簡每日議事之時短下議院爲政令之所出其事繁每日議事之時長西例七日一休沐一日二日四日五日自申正始至子正或丑正止其三自午正始至酉正止六日或議或不議七日休沐則不議而復始事繁之日日議者再晨自午至申暮自酉至子丑之